



BIBLIOTECANAZ

**LIBRERIA
MATURI
164**

NAPOLI









JOANNIS VIVENTII
NOLANI
PHIL., ET MED. DOCT.
DE CUCUTA
COMMENTARIUS.



NEAPOLI MDCCLXVII.

Excud. DONATUS CAMPO.

AUCTORITATE PUBLICA.

*Si non ingenium, certe brevitatem
adproba.*

PHÆDR. lib. V, *fab.* V.

VIRO EXCELLENTISSIMO, DOCTISSIMOQUE

GERARDO

L. B. VAN SWIETEN

AUGUSTISSIMI IMPERATORIS,
ET IMPERATRICIS

A CONSILIIS,

REGII HUNGARICI S. STEPHANI
ORDINIS EQUITI,

ARCHIATRORUM COMITI,

Bibliotheca Augustæ Prasectio, Inclytæ Facultatis

Medicæ Viennensis Prasidi perpetuo,

Nec non Academiæ Reg. Scient., & Chirurg. Paris,

Academ. Scient. Petropolit., Acad. Natur.

Curios., Instit. Bonon., Collegii Regii

Medic. Edinburg., Societ. Scient.

Harlem., Botanic. Florent.,

Germanic. Jenens., Degli

Agiati di Roveto.

JOANNES VIVENTIUS

FELICITATEM.

QUOD Cl. Nomini TUO, GÉRARDE Doctissime, opusculum qualecumque meum inscriptum voluerim, non una fuit consilii mei ratio. Primo summæ

A 2

be.

benevolentia erga me TUÆ, & beneficiorum, quibus me saepissime cumulasti, testimonium aliquod publice ut extaret, nisi ingratus sim, curandum fuit, ut quantum, quamque multis TIBI nominibus devinctus debeam, notum esset omnibus, atque exploratum; deinde, ne TE, quem Medicorum facile Principem & hac suspicit, & postera demirabitur aetas, quasi despicere, ac dignitati TUÆ deesse viderer. Manent alta mente reposita, neque ullæ unquam delebit aetas, responsa, & consilia TUA, quibus aut in gravissimorum morborum difficultatibus, aut in quorundam medicamentorum natura, usu, ac viribus perno-
scendis me antea impeditum, vinculis, ac difficultatibus quamfacillime per TE expeditis omnibus, liberaasti. Præterea ingenii mei, quod sentio, quam sit exiguum, periculum hoc gravissimo judicio TUO subjiciendum fuit. Cum enim aetas mea in ea
sem-

tempora inciderit , quibus homines
ad criminandum , quam ad laudan-
dum procliviores sunt ; præsens ac
certum Cl. Nominis TUL præsidium
labori meo quærendum fuit , quomi-
nis nomen meum , TE Patrono ,
Zoilorum , atque Aristarchorum no-
stri ævi licentiae , atque audaciae
permitteretur . Ad hæc de Cicuta
agitur , cujus TU mirabiles vires ,
ab improborum hominum impetu vin-
dicasti ; de Cicuta , inquam , cujus in
Medicina usum , TE favente , per-
carus Auditor quondam TUUS , Cæ-
sareus nunc Archiater Antonius
STÖRCK revocavit ; ut , si qui me
aggrediatur , & contra TE facere
sentiat , & patrocinium mihi TUUM
non defuturum sciat . Quare , qua-
liacumque hæc sint , quæ a me
proficiscuntur , ut libenter accipias ,
rogo ; in quibus , si quid pecca-
vi (peccavi certe multa) , ingenii
mei tenuitati , ac tempori tribuas ,
atque ignoscas , ut animus meus TUO

patrocinio confirmatus, ea in dies co-
netur, quae Nomine TUO utcumque
digna, Lectoribus etiam fortasse
meliora, videantur. Spem fac, &
Vale.

Neapoli Kal. Augusti MDCCLXVII.

DE

D E

CICUTA

COMMENTARII

P A R S I.

I. **C**ICUTA Latine, Græce Κώνιον
 [*stultitia*], nomen apud Græ-
 cos ab affectu sortita est, quem
 GALENO teste, ab ipsa posui
 data corpus pati cernimus (1). Apud Latinos
 non una ei voci subiecta notio est. Cicuta
 enim, notante SERVIO, dicitur *spatium*,
 quod est inter cannarum nodos (2); at contra
 SCALIGER non *internodia*, verum *fruticem*
 ipsum ea voce notari contendit (3). Interdum
 & apud Latinos pro canna accipitur, ex qua
 A 4 pasto-

(1) In libro, quod animi vires corporis tempera-
 turas sequuntur cap. 3. GALENI libr. prim. class.
 pag. 318. Venet. apud Iuntas MDXCVII.

(2) In expositione loci VIRGILII Eclog. 11.
 vers. 36

Est mihi disparibus septem compacta cicutis
 Fistula

(3) Vide VOSSII *etymol. ling. lat. addition.*
 MAZUCHII tom. I. pag. 183: Neap. ex Reg. Typ.
 MDCCLXII.

pastoralis fistula contexeretur, ut apud LUCRETIVM (4), aut pro ipsa fistula, ut apud CALPHURNIVM (5).

II. QUATUOR autem plantarum species, uno, eodemque Cicutæ nomine Medici appellant, quas non recte Veteres distinxere. Ea vero, qua de hic agitur, *Cicuta major* est, seu *vulgaris*, seu *terrestris* dicta, a LINNÆO *Conium feminibus striatis* (6). Umbellifera planta est, quæ pinguibus, umbrosis, humidisque crescit locis, secus fossas, viarum margines, & sæpes. Ad binos,

(4) *De rer. natur.* lib. V, vers. 1381. pag. 464. edit. Paris. MDCLXXX.

*Et Zephyri cava per calamorum sibila primum
Agrestes docuere cava inflare cicutas.*

(5) Apud R. STEPHANUM thes. *lin. latin.* tom. 1. pag. 512. Basileæ MDCCXI.

(6) *System. natur.* tom. 2. pag. 956. Holmiæ 1759. Aliæ Cicutæ, quas lubens prætereo species, utpote nihil ad morbos inferius describendos deservientes, sunt, *Cicuta major foliis tenuioribus*, *Cicuta minor petroselino similis* C. B. P. 160., *Cicuta aquatica* GESNERI, sive *Sium pinnis laciniosis, pinnulis trifidis, nervo non foliato* HALLERI, in enumeratione *stirpium Helvetiæ* pag. 436. Göttingæ MDCCXLII. De hac ultima Cicutæ specie Cels. WEPFERUS Basileæ anno MDCLXXIX eruditissimum librum edidit, & mira phenomena exposuit, quæ observata fuere Martio fere exeunte anno 1670 in duobus pueris, & sex puellis ex radicis esu Cicutæ hujus, quam pro pastinaca acceperant.

ad tres, & ultra cubitos interdum ascendit. Culmus nonnullis subrubentibus vultu serpentum maculis respersus est (7), glaber, levis, crassus; & quia fistulosus, scilicet intus, ut canna est, vacuus, fortasse & ideo Cicutā pariter planta ista appellata est. Folia alata, multifariam partita, glabra, atrovirentia, graveolentia sunt (8), cavis appensa pedunculis. Radix drootalis est, solida, cortice tenui flavescēte, carne alba, fungosa, odoris gravis, saporis subdulcis, quando caulem facit interius sava (9). Floret apud nos mensibus Junio, Julio in frigidis regionibus. Ejus flosculi candidi sunt, rosacei, quinque scilicet petalis constantes, cordiformibus, inequalibus, in orbem positīs, & calyci insidentibus, qui abit in fructum fere globosum ex duobus seminibus compositum exiguis, aniso similibus, aliquantulum vero candidioribus (10).

III.

(7) GEOFFROY de mater. medic. tom. 2. de vegetabil. indigen. artic. Cicut. pag. 174. Venet. MDCCCLVI.

(8) GEOFFROY loc. citat.

(9) GEOFFROY loc. citat.

(10) TOURNEFORT instit. rei herbar. class. VII, gen. III. tom. I. pag. 306. Lugduni MDCCXIX. Vide pariter Diction. univers. &c. par seu Mess. Antoi-

III. **DISTINCTAM** vero nostræ *Cicutæ* descriptionem, ideo præmisimus, ne minus periti deciperentur; quamfrequentissime enim evenit, ut quo loco *Cicuta* crescit, eodem loco aliæ plantæ inveniantur, præcipueque *Myrrbis*, quæ *Cicutæ* quantum assimilatur, videri potest apud **DODONEUM**, qui exactam pinxit *Myrrbis* figuram (11); aut apud **Cel. WEINMANNUM**, ubi *Myrrbis* extat naturalibus depicta coloribus (11*). **DIOSCORIDES** (12), & **PLINIUS** (13) jamdiu antea hoc notaverant, & **Fabius COLUMNA**, qui absolutum minus cognitarum, rariorumque stirpium librum composuit, distincte scripsit: *myrrhim Cicutæ simillimam esse omnibus sui partibus, præter semen. Hanc in Vallis secus viarum margines, & sepes, atque maceries*

ne **FURETIERE** second. edit. revuë par *Monj. Bafnage DE BAUVAL* tom. 1. artic. *Cigue* pag. 416. a la Haye 1702.

(11) *Stirp. histor.* pag. 689. *Antuerpia* MDLXX.

(11*) *Phytanthoza iconografica &c.* tom. 3. num. 743. *Ratisbonæ* MDCCXLV.

(12) *Mater. medic.* lib. 4. cap. 116. *Basilea* MDCLXXIV.

(13) *Histor. natur.* lib. 24. cap. XCVII. tom. 2. pag. 350. *Parisiis* cum comm. **HARDUINI** MDCCXLI.

ceries frequentem cum *Cicuta*, ut nonnisi peritus, & naribus experiatur, haud facile caulescentem dignoscat, atque a *Cicuta* distinguat (14). Qua de re Celeb. Antonius STÖRCK merito inculcavit, ut dum quis dubitat, veram ne haberet *Cicutam*, is eam in calidiori ponat loco, dumque incipit flaccescere, aut siccari, & vera est *Cicuta*, tunc ingratum murium domesticorum foetorem spargit; vel quod adhuc facilius, conterantur digitis herbae folia, & intra pauca minuta senties digitos eodem foetore affectos (15).

IV. VETERUM quorundam testimonio velut venenum *Cicutam* damnatam legimus, & pro publica poena reservatam. NICANTER *Colophonensis*, qui graeco carmine venena plura sui temporis describit, recenset inter ea *Cicutam* (16), &

LU.

(14) *Mm. cognit., rarior. stirp.* cap. XXXIII. pag. 110. *Romae* MDCXVI.

(15) *Libell., quo continuantur exper., & obser. circa nova sua medic.* cap. 2. pag. 9., & 10. *Vindobonae* 1765.

(16) NICANTRI *Alexipharmaca*, interp. Jo: GORREO. *Parisis* 1622. Summus Poeta fuit NICANTER, & Medicus, qui, si quibusdam fides danda est, floruit sub PTOLOMEO *Phidalelpho*, sive, ut alii volunt, sub ATTALO *Galatonico*. Vide LE CLERC *Storia della medicina* tom. 2. part. 2. lib. 1. cap. VIII. pag. 311. *Napoli* MDCCLXII.

LUCRETIUS (17).

*Quippe videre licet pinguescere saepe
Cicutā*

*Barbigeras pecudes, homini, quæ est
acre venenum.*

Athenis publice custodiebatur ad fontium
pænas juxta Joannem TZETZE (18). Cicutā
magnum SOCRATEM fecit, notante
SENECA. (19), qui, referente Diogenē
LAERTIO, a Melito, Meliti filio P^{er}
thensi accusatus, Deos negasse, & *novæ
Demonia induxisse*, & corrupisse *juvenes*
contra jus, & fas, Cicutæ esu a Magi-
stratibus occiditur (20) anno Olimpiadis
XCIV. I., ætatis anno LXX, ut *monet
Cel.* BRUCKERUS (21).

V. VALERIUS MAXIMUS profectus
in Graciam cum Sexto POMPEO, in In-
sula *Cæa*; inque *Jusidis* oppido, servari

ve-

(17) *De rer. natur.* lib. 5. vers. 897. *pag.* 431.
Parisis MDCLXXX. Claruit ante CHRISTUM
an. CV. Vide Pop. BLOUNT *cons. celeb. Auctor.*
pag. 55. *Genevæ* MDCCX.

(18) *Chiliad.* 8. *hist.* 181. vers. 238.
(19) *Oper. omh.* part. 1. *epist.* XIII. *pag.* 186.
Parisis MDCVII. Claruit anno DOMINI LX
BLOUNT *loc. cit.* *pag.* 109.

(20) *De vita*; & *morib.* *Philosoph.* lib. 11. *pag.*
111. & 112. *Lugduni* MDXCH.

(21) *Histor. critic. Philof.* part. 2. lib. 11. *cap.*
2 tom. 1. *pag.* 553. *Lipsiæ* MDCCXLH.

venenum Cicutæ temperatum pariter animadvertit: ibique summæ dignitatis foemina, sed ultimæ jam senectutis, reddita ratione Civibus, cur excedere vitæ deberet, Cicutæ mortem suam POMPEI præsentia clariorem fieri magis existimavit (22): & Massilienses translata ex Græciâ consuetudine venenum illud publice custodiebant, VALERIO quoque auctore, quod ei dabatur, qui causas Senatui exhibebat, propter quas mors erat illi expetenda (23). GALENUS homines refrigerare, & necare Cicutam, scribit (23^{}): necare potantes eam gelidi more veneni Æmilius MACER (23^{**}): caliginem, mentisque alienationem, artuum gelationem, ultimoque præfocationem Scribonius LARGUS (23^{***}), aliique quamplurimi similia docuerunt, quorum nomina recensere res esset permolesti operis, & laboris.*

VI.

(22) *Dictor. factorumq. memor. exempl. lib. 2. cap. 1. pag. 102. Neapoli MDCCXXVIII. Floruit Valerius MAXIMUS anno DOM. XXVII. BLOUNT loc. cit. pag. 99.*

(23) *Loc. cit.*

(23^{*}) *Libr. 5. class. De simpl. medic. facult. lib. 3. cap. 6. pag. 17. versâ, & cap. 17. pag. 22.*

(23^{**}) *De herbar. virtut. art. Cicutâ. Vide Coll. Medic. Antiq., quam edidit ALDUS Venetijs MDXLVII. pag. 144. versâ.*

(23^{***}) *De compos. medic. lib. Comp. CLXXIX. Vide Coll. Medic. Antiq. cit. edit. pag. 152. versâ.*

VI. NON solum autem potu haustam Cicutam verum fuisse venenum, sed exterius etiam applicatam multa, eaque insana- bilia afferre mala Medici Veteres crediderunt. Sic, si Veteres audias, mammis imposita *sac extinguunt*, & *mammæ Virginum crescere non patitur*: ac *puerorum testes nutrimento defectos ita reddit*, ut *intabescant*, & *testibus circumlita libidinum imaginationes in somno compefcit*, quemadmodum scribit DIOSCORIDES (24). Mammæ a virginitate succo Cicutæ illitas semper stare, & si testibus circa pubertatem illinatur, venerem extingui, tradit ANAXILAUS apud Æmilium MACRUM (25). MARCELLUS Eunuchum sine ferro faciendum proposuit, si radices Cicutæ ex aceto tererentur, & inde testiculi spississime illinerentur (26), additque, *hoc quantum tenerioribus infantibus feceris, eventu efficaciore proveniet*. Testatur quoque ORIGENES, apud Athenienses fuisse Hierophantam, qui cum viriles suas concupiscentias continere, ac pro arbitrio domare posse non crederet, virilia membra

Ci-

(24) Lib. 4. cap. LXVII. pag. 331. Francof. 1549.

(25) De herbarum virtutibus art. Cicuta. Vide Coll. Medicor. Antig. pag. 144. vers.

(26) In collect. Medicor. Antig. cap. 33. pag. 134. versa.

Cicuta oblinebat (27). Huc etiam spectat quod OVIDIUS de se ipso scripsit [28]

Tacta tamen veluti gelida mea membra Cicuta,

Segnia propositum destituere suum.

VII. ENIM vero, licet quorundam Veterum Medicorum iudicio, Cicuta potu hausta quasi venenum damnetur, & exterius quoque applicata multorum infanabilem malorum perhibeatur effectrix; nemo tamen homo, qui sanus sit, statim conficiet, Cicutam venenum esse, eamque ut venenum revera Veteres omnes damnasse. Qui enim Veterum Medicorum scripta attente perlegerit, remque penitus introspeciat, longe aliter rem habere intelliget, quemadmodum, ni fallor, apertissime inferius docebo.

VIII. HUIC autem præiudicio de venenata Cicutæ indole, si NICANTRUM [29], & LUCRETIIUM excipias [30], ansam for-

(27) *Oper. omn. &c. tom. 1. lib. VII. contra CELSUM pag. 729. Parisiis MDCCXXXIII.*

(28) *Amor. lib. 3. eleg. VII. vers. 13. Oper. omn. ex recensione BURMANNI tom. 1. pag. 498. Amstelodami MDCCXXVII.*

(29) Vid. loc. supr. § IV citat.

(30) Loc. supr. citat. § IV. Sunt qui credunt VIRGILIUM damnasse ut venenatam Cicutam, quando

fortasse dederit SOCRATIS mors, qui, ut paulo ante adnotavimus, ab *Atheniensibus* Cicutæ esu occisus perhibetur: quod ut Veterum omnium iudicio non probatur, ita falsum omnino, me saltem iudice, esse potest. Certe XENOPHON[31], SOCRATIS auditor, dum Præceptoris sui mortem describit, Κώκειον, *Cicutam*, quod notasse intererat, non memorat. PLATO quoque Princeps ille, ut quidem CICERONI audit, ne dum auditorum SOCRATIS, sed & Veterum Philosophorum omnium, SOCRATI mortem attulisse, scribit, non Κώκειον, *Cicutam*, sed Φάρμακον, *Venenum* [cujuscumque id demum fuerit generis] [32]. Sed neque
CI-

do Ecloga IV.vers. 24. cecinit: *Et fallax herba veneni occidet*; at SERVIUS in hunc locum appositè notat de Cicutà non intellexisse, nam *omnibus nota est*, sed de illa *Sardoa*, quæ *Apiasti* similis homines decipit, vel de *Aconito*, ut: *Nec miseros fallunt Aconita legentes*. Vid. VIRG. ex recens. *Pancrat.* MASVICII tom. 1. pag. 41: *Vener.* MDXXXVI.

(31) XENOPHONT. oper. omn. Græc. Latîn. de fact., *Et dict.* SOCRATIS lib. 1. pag. 441, & lib. 4. pag. 514. *Basileæ* MDLV. Claruit ante CHRÎ. ann. CCCLXXXVII. BLOV. pag. 24.

(32) Illius verba sunt: *Et egressus puer per aliquod tempus terendo veneno occupatus, adduxit illum, qui pharmacum ei exhibiturus erat, quod in poculo tñtum*

GIGERO [33], nec OVIDIUS ,
nec (34) MAXIMUS [35] , qui de SO-
CRATIS mortē scribunt, Cicutā necatum
illum tradunt . Quod hactenus exposui
Scriptorum de venenato Cicutæ ingenio
præjudiciū , id quidem usque ad an-
num CHR. LVI. excurret , quo tempo-
re *Aulus* PERSIUS omnium primus SO-
CRATEM Cicutā sublatum scripsit [36],
B
cujus

num afferebat &c. PLAT. oper. omn. tom. 1. in *Phe-*
do. pag. 117. edit. *Henrici* STHEPHANI ann. 1578.
Vide pariter *cit. tom.* pag. 57. Claruit ante CHR.
ann. CCCLXVI. BLOV. pag. 26.

(33) *Oper. omn. cum delect. comm. in usum*
DELFINI tom. 2. *Tusculan.* lib. 1. pag. 337. 338.
Genevæ. MDCCXLIII. Illius verba sunt: *Qui cum*
conjectus in carcerem triginta jussu Tyrannorum vene-
num ut sitiens obduxisset, reliquum sic e poculo ejecit,
ut id resonaret. Floruit ante CHR. ann. LXXVIII.
BLOV. pag. 57.

(34) *Oper. omn. supr. cit. tom.* IV. *Ibis*, pag.
142, vers. 561, 562. Claruit ante CHR. ann. VII.
BLOV. pag. 85.

Sollicitoque bibas Anyti doctissimus olim

Imperturbato quod bibis ore reus.

(35) *Oper. cit. lib.* VII. pag. 434. Ejus verba
sunt: *Constanti vultu potionem veneni e manu Carnifi-*
cis accepit.

(36) *Satyr. lib. ex recens. CASAUBONI*
ISAACI Fil. sat. IV. pag. 15. vers. 1, & 2. *Lug-*
dun. Batavor. MDCXCV. Claruit anno CHR. LVI.
BLOV. pag. 105.

Rem

cujus deinde vestigia cæco, ut ita dicam,
 animi impetu sequuti fuere SENECA [37],
 DIOSCORIDES (38), PLINIUS (39),
 MACER (40), JUVENALIS (40*),
 ÆLIA-

Rem populi tractas? barbatum hæc crede Magi-
strum

Dicere, sorbitio tollit, quem dira Cicuta.

(37) Vid. loc. supr. §. IV cit. Claruit, uti di-
 ximus ibi anno DOM. LX.

(38) Vid. loc. supr. §. VI cit. Claruit anno
 DOM. LXIV. *Dizionario della medicina del Signor*
ELOY in Ital. e Gall. conu. ferm. cum addit. in
Napoli MDCCLXII. tom. 2 pag. 274.

(39) *Histor. natur. cum comm. HARDUINI*
tom. 2 lib. 25 pag. 383 cit. edit. Claruit anno DOM.
LXXV. BLOV. pag. 118. Ejus verba sunt: Cicuta
quoque venenum est, publica Atheniensium poena inui-
sa &c.

[40] Vide loc. supr. §. V citat. Non constat
 quo tempore vixerit. Quibusdam probatur floruisse post
 PLINIUM, quem plerisque in locis laudat, ut apud
 Jo: ATROCIANUM videre est in epistola ad Le-
 ctorem libro MACRI præfixa *oper. cit. pag. 223. ver-*
sa; Daniel vero LE CLERC apocriphum opus esse
putat, quod sub MACRI nomine habemus Stora del-
la Medicina par. 3. lib. 1. cap. 1. pag. 388. tom. 3.
in Napoli MDCCLXIII.

Publica poena reis hæc esse solebat Athenis.

Hæc sumpta magnus SOCRATES fuit exanimatus.

(40*) *Satyr. lib. ex recen. CASAUBONI*
ISAACI Fil. Lug. Bat. MDCXCV. satyr. VII.
vers. 205. pag. 214.

..... O hunc inopam vidistis Ahtena,
Nil præter gelidas ausa conferre Cicutas.

Et

ÆLIANUS (41), LAERTIUS (42), aliique ex Veteribus, & quod mireris, ex Recentioribus non incelebres quidam Scriptores, qui superiorum temporum, atque Auctorum præjudiciis decepti, eundem tenuerunt errorem, uti videre est apud Doctiss. Virum Jo. CALVI Cl. Medicinæ Professore in Pisana Academia (43).

IX. QUÆ huc usque de præjudicata Cicutæ opinione docui, ea ex morte ab *Arbeniensibus* PHOCIONI illata, primum est confirmare. Hic in XENOPHONTIS, & PLATONIS schola eruditus, *prope ad*
 B - 2 *annum*

Et *satyr.* XIII. vers. 185. pag. 352.

*..... dulcique Senex vicinus Hymetto,
 Qui partem accepta sava inter vinola Cicutæ
 Accusatori nollet dare*

Floruit anno CHR. XCV. BLOV. pag. 135.

[41] *De var. hist.* lib. XIV. e Græc. Latin. donat. a Justo VVltejo VVetterano lib. 1. cap. XVI. pag. 15. Basilee MDXLVIII. Cit. cap. inscriptio est: DE SOCRATE cum Cicutam biberet. Vide pariter lib. 3. cap. XXXVI. pag. 83, ubi recensetur lex *Georum de senibus*. Floruit anno CHR. CXXIX. BLOV. pag. 153.

(42) Vid. loc. §. IV. cit. Claruit anno CHR. CXL. BLOV. pag. 158.

(43) *Della morte di SOCRATE &c.* pag. 18. in Pisa MDCCXIII.

annum octogesimum, ut notat NEPOS [44], præclaris pluribus pro Patria gestis, proditi-
onis postulatus, ad mortem damnatur,
cum spectatissimis aliis Viris NICOCLE,
THUDIPPO, HEGEMONE, & PY-
THOCHLE anno *Olimpiadis* CXV., sive
CCCXVIII. annos ante CHRI: (45).
PLUTARCHUS, qui PHOCIONIS vitam
annos centum quadraginta quatuor post
NEPOTEM descripsit [46], distincte no-
tat, Viris illis datum fuisse *tritum*, *pocu-
loque infusum venenum* (47), simile nem-
pe venenum, iisdemque verbis expressum,
quod PLATO de SOCRATE scribens,
memorat [48]. Immo addit PLUTAR-
CHUS, cum defecisset venenum, ut PHO-
CIONI daretur, *Carnifex se aliud, nisi*
duo-

(44) *Cornel. NEP. oper. & stud. Andr. SCHOT-
TI, PHOCION pag. 211. Antuerpia, & Francofur-
ti MDCIX.*

(45) Vide *Le grand Dictionnaire Historique &c.
par M. Louis MORERI tom. 7. art. PHOCION
pag. 150. a Paris MDCCXLVIII.*

(46) *Cornelius NEPOS* claruit tempore *Julii
CÆSARIS*, ante CHR. ann. XL., & PLUTAR-
CHUS sub *TRAJANO* anno CHR. CIV. Vide
BLOV. pag. 71, & 143.

(47) *PLUT. CHER. oper. &c. part. 2. PHO-
CION pag. 195. Lugduni 1552.*

(48) Vide not. 32. §. VII.

duodecim prius acceptis drachmis, daturum negabat; tanti enim unciam venire ajebat, cumque PHOCION vidisset hominem in proposito stantem, ne morti fieret mora, ex Amicis unum advocans, quandoquidem, inquit, gratis emori Athenis non licet, huic quæso pretium dato (49). Ex quibus omnibus manifesto apparet, venenum illud non fuisse Cicutam, uti pariter passim apud multos de PHOCIONE legitur Scriptores. Solidum erat illud, nam tritum propinabatur: ad hæc duodecim erat illius uncia drachmis, quod de Cicutæ uncia nequaquam dici potest; constat enim ex multis, hic brevitatis gratia non recensendis, *Athenis* magnam Cicutæ fuisse copiam. Quod si recens a SOCRATIS morte PHOCION cum laudatis aliis Viris ad mortem damnatur, eodemque, quo SOCRATES, veneno occiditur, PHOCIONEM vero nequaquam Cicuta necavit, quemadmodum ex veneni descriptione apud PLUTHARCUM apertissime colligitur, liquido consequitur, neque SOCRATEM Cicuta vitam finisse: & revera, si venenum SOCRA-

B 3

TI

TI oblatum, Cicuta fuisset, illud novies PLATO in *Phedone*, & in *SOCRATIS Apologia* non voce *Φάρμακον*, sed *Κώνειον* expressisset. Neque est credendum, vocem *Κώνειον* PLATONI ignotam fuisse; ipse enim in *Dialogo Lysis* (49*) vocem *Κώνειον* usurpat. Sensit aliquo modo horum argumentorum vim, quamvis aliud agens octo, & octoginta retro ann. *Cel. WEPFERUS* (49**), & affirmavit, non extra omnem controversiæ aleam positum esse, venenum SOCRATIS Cicutam fuisse; & *Stalpart VAN DER VIEL* notavit, fuisse variarum herbarum Cicutæ similium compositionem, cui Cicuta quoque admixta erat (50); deinde rectius *Cel. MEAD* (51) *miscelam anodynorum succorum cum aliis corrosivis*, quemadmodum suadere videtur seria totius historiæ SOCRATIS a PLATONE descriptæ contem-

(49*) *Oper. omn. tom. 2. pag. 219.*

(49**) *Cicuta aquatica histor., & noxa cap. VI. 60., & 61. cit. edit. Scripsit anno 1679. Scaphusii Helvetiæ, uti apparet ex nuncupatoria epistola Sereniff. FRIDER. CAROL. Duci Wurtembergiæ.*

(50) *Obser. Medic. tom. 1.*

(51) *Oper. Medic. &c. Expos. mechan. venenorum tentam. IV. de plant. venenat. pag. 147. Neapoli MDCCLII.*

templatio, ut optime laudatus Vir animadvertit (52).

X. Ejus autem præjudicii de lethali Cicutæ vi ad nostra usque tempora falsitas clarius apparebit, si consideremus, spectatissimæ fidei, & summum Medicinæ Parentem HIPPOCRATEM, qui Coo prope ab *Athenis* medicinam faciebat eo tempore, quo SOCRATES ad mortem damnatus fuit, Cicuta summopere ab ipso laudata interne, & externe ad morbos depellendos, fuisse usum; aliosque quamplurimos Veteres Medicos, qui de Cicuta, veluti de veneno, scripserunt, nil sibi constantes, ut, præsentissimum adversus morbos præsidium commendasse.

XI. HIPPOCRATES inter multa remedia, quæ commendat, quando *uteri ad lumbos incumbuerint*, scripsit: *Cicutæ quantum tribus digitis capitur, ex aqua bibendum dato* (53); & alibi suffitus varios ad fluorem muliebrem describens: *aut Cicutam, aut myrrham, aut thus affuso*

B 4

(52) Loc. citat.

(53) Oper. omn. interp. FOESII, de natur. muliebr. tom. 1. sect. V. pag. 572. n. 30. Geneva MDCLVII.

so unguento suffito (54); inde paulo inferius: si fluorem exficcare opus sit, byosciami folia, & Cicutam simul coquito, deinde tepida ad pudenda apponito (55); alioque in loco de iis agens, quæ genituram excipere non possunt, per novem dies suffitus commendat foliorum Cicutæ (56); & ad ani procidentiam Cicutæ semen vino albo odorato affuso tritum, dein tepidum ex cataplasmate impositum laudat (57). DIOSCORIDES, qui, uti ex superius dictis patet, damna multa ex Cicuta oriri affirmavit; tamen in collyriis, quæ dolorem minuunt, admisceri refert, & ignes sacros, & ulcera, quæ serpunt, illitu extinguere (58): GALENUS scribit, HERACLIDEM Tarentinum rotulas confecisse vino hauriendas contra omnes venenata feræ morsus, doloresque vehementissimos, & utari strangulationes ex Cicutæ succo, alterci, castoreo, pipere albo, costo, myrrha

(54) Sect. V. de morb. mulier. lib. 2. tom. 1. pag. 668. n. 40.

(55) Loc. citat. pag. 669. n. 10.

[56] Sect. V. libr. de his, quæ utero non gerunt tom. 1. pag. 681. n. 4.

(57) Sect. VI. libr. de Fistulis in fin. tom. 1. pag. 890.

(58) Lib. 4. cap. LXVII. pag. 331. cit. edit.

rha, & opio. (59); ad destillationem, & **vocem** interceptam pharmacon ex opio, myrrha, & semine hyosciami, singulis in Cicutæ decocto maceratis; & in catapotia redactis (60); ad tussim catapotia ex Cicutæ semine, & aliis (61); ad sanguinis rejectionem Cicutæ semen cum multis aliis jejunis ex aqua datum (62); ad Hæmoptoicos pharmacon cum Cicutæ semine (63); in confectione doloris sedativa ad tabescentes, & sanguinem reiicientes Cicutæ semen (64); & Cicutæ semina maxime quidem iis, qui a tussi, aut alias lancinantur apta esse, & omnibus quomodocumque sanguinem reiicientibus convenire tandem docet (65). Exiguum quiddam [Cicutæ] sumptum mortem homini nequaquam inferre alibi notat (66); & uti aliunde diximus,

(59) GALEN. lib. 5. class. de antidot. lib. 2. cap. 13. pag. 117. vers. citat. edit. Alterci fuccus, idest hyosciami; nam quem Græci hyosciamum dicunt, Latini Apollinarem herbam; & altercum nuncupant.

(60) Class. 5. de comp. medic. secund. loc. lib. VII. pag. 182.

(61) Loc. cit. pag. 183.

(62) Loc. cit. pag. 183.

(63) Loc. cit. pag. 184.

(64) Loc. cit. pag. 185.

(65) Loc. cit. pag. 184.

(66) Class. 5. de simpl. medic. facult. lib. 3. cap. 18. pag. 22.

ximus, apud ipsum pariter legitur de Anu
Arbeniensi, quæ permagnam Cicutæ co-
 piam impune comedebat (67). HORA-
 TIUS de Cicutæ, ut remedio, loqui-
 tur (68)

..... *sed quod non desit habentem*
Quæ poterunt unquam satis expur-
gare Cicutæ,
Ni melius dormire putem, quam scri-
bere versus?

& Aulus PERSIUS de Cicutæ pariter, ut
 remedio ad bilem temperandam scribit,
 quamvis alibi, uti superius adnotavimus,
 scripisset, ea SOCRATEM occisum fuisse
 (69).

..... *calido sub pectore mascula bilis*
Intumuit, quam non extinxerit urna
Cicutæ.

Cicutæ caules aceto maceratos impune co-
 medi PLINIUS auctor est (70); etsi illam
 ve-

(67) *Loc. cit.* Vide pariter quæ scripsi in comm.
de opii vi, atque actione in corpus humanum part. 1.
 §. IV. pag. 17. Neapoli MDCCCLXIII.

[68] *Epistol. lib. 2., epistol. 2. ad Julium*
 FLORUM vers. 52. edit. *Patavina* cum notis Jo:
 BOND ann. MDCCXLVII. pag. 394.

(69) *Satyr. lib. satyr. V. ad Anneum COR-*
 NUTUM, cujus fuit Auditor, vers. 144. pag. 21. cit.
 edit. Vide pariter §. VIII. not. 36.

(70) *Histor. natur. tom. 2. lib. 25. sect. 13.*

venenum publica Atheniensium pana invisum appellaverit (71). Cicutam cum axungia dolores, & tumores tollere, apud ipsum pariter reperimus (72), & Cicutæ foliis igni sacro mederi (73). Cicutam cum filigine mero mixtam sanare vulcera tetra (74), & Podagras refrigerare cum lithargyro, aut axungia, ipse etiam testatur (75). Succo Cicutæ fieri ad refrigerandum stomachum malagma, circumlitum sedare oculorum dolores, rheumatismos omnes cohibere, foliaque tumorem omnem, doloremque, & epiphoras sedare, eodem pariter docemur (76). Similia recensentur ab *Æmilio* MACRO (77), deinde a *Pyrrho* PEROTTO. (78) MARCELLUS *Burdigalensis* describit malagma ad podagram efficacissimum, cujus compositione Cicutæ radices adhi-

(71) Confer hic not. 39. §. VIII.

(72) lib. 26. sect. LXXV. tom. 2. pag. 409.

(73) Loc. cit. sect. LXXIV.

(74) Loc. cit. sect. LXXXVII. tom. 2. pag.

413.

[75] Loc. cit. sect. LXIV. tom. 2. pag. 406.

(76) Libr. 25. sect. XCV. pag. 383.

(77) Loc. §. VI. citat.

(78) Comm. ling. Latin. pag. 194. n. 20. ad 30.

edit. ALDI MDXXXVII.

adhibentur (79) ; & ad confirmandam quoque vitalem potius Cicutæ vim , huc spectare videntur , quæ S. HIERONYMUS habet de *Hierophantis Atheniensibus* , qui Cicutæ sorbitione impune se castrari credebant (80) , ut postquam in Pontificatum fuissent allekti , viri esse desinerent .

XII. IN magnam molem excresceret liber , si quamplurima alia testimonia recensere hic vellem , quæ magis confirmarent , Veteres Medicos , & Scriptores , qui Cicutam , velut veneno , abstinuerunt , eandem eisdem ad terribilissimos morbos profligandos adhibuisse . Atque hæc de superioribus temporibus dicta sint satis . Ad Medicos transeamus posteriorum temporum , qui Cicutam , ut summum remedium commendarunt , & felici eventu interne usurparunt .

XIII.

(79) *Libr. de Medic. cap. XXXVI. Medic. Antiq. &c. pag. 138. vers. Claruit GRATIANI , & THEODOSII Magni Imp. ætate , uti eruitur ex epistola nuncupatoria Jani CORNARIJ ejus operi præfixa anno MDXXXV , & ex epistola ejusdem MARCELLI filiis suis. Vide pag. 81. , & 83. cit. libr.*

(80) *Oper. omn. tom. 2. lib. 1. advers. JOVINIANUM , in fin. pag. 320. Verone MDCCXXXV. Claruit anno CHR. CCCLXXVIII. BLOV. pag. 252.*

XIII. *Petrus* SPANUS, *Hispanus* dictus *Cel.* XIII. seculi Medicus, Episcopus inde, & Summus tandem creatus PONTIFEX, ad curandam epilepsiam Cicutæ decoctionem commendavit (81). *Paulus* RENEAUME *Gallus* in hepatis, pancreaticisque scirrhis, testatur, prospero successu dedisse drachmam semis Cicutæ pulveris in vino, aucta in diem dosi usque ad drachmas duas (82). *Pulvis radicum Cicutæ ad grana viginti in febris malignis, vel quartana ante paroxysmum exhibitus*, summopere prodest BOWLE (83): quem pulverem omnibus antecellere diaphoreticis expertus fuit *Cel. Angelus* Medicus *Joannes* RAJUS (84).

XIV. FUERUNT & alii, qui Cicutam

(81) *Tesoro de Poveri compilato, e fatto per Maestro Pietro SPANO*. Vide CALVI della morte di SOCRATE pag. 33. *Lusitanus* erat SPANUS, Civis-que *Ulyssiponensis*. Episcopus creatus fuit, inde anno 1276. Summus PONTIFEX nomine JOANNIS XXI.

(82) *Encyclopedie, ou dictionnaire Raisonné des sciences &c.* tom. 3. art. Cigue pag. 373. a Lucques MDCCLIX.

(83) Apud Jo: RAJUM *hist. plant.* lib. IX. de herbis umbelliferis cap. VIII. tom. 1., pag. 451. Londini MDCXCIII.

(84) Loc. cit, pag. cit. tom. cit.

tam pariter externe non sine felici exitu usurparunt. Ad lienis duritiem emplastrum de Cicuta commendat RHODIUS, illiusque auctorem HEURNIUM fuisse notat (85). In contumacibus scirrhis omne punctum ferre emplastrum de Cicuta, HARTHMANNUS scribit (86), & summopere alio in loco celebrat illud in scirrho inveterato lienis (87). Cicutæ succum emplastro splenico incotum extrinsecus adhiberi, auctor est SCHRODERUS (88). Extrinsecus Cicutam usurpatam anodynam esse; tumores du-
ros, & ganglia potenter discutere in cataplasmatibus, vel in emplastro de Cicuta cum Ammoniaco Cl. NEEDHAM (89). In mammarum scirrhis unguentum de Cicuta HILDANI ETMULLERUS (90). Cicutæ decoctum vino rubro factum cum pervinga, & myrrha, mammarum magnam

(85) RHOD. exercit. in lib. Scribonii LARGI de comp. medic. not. ad compos. 179.

(86) Praxis Chymiatrica &c. cap. CLXXIV. pag. 271. Geneva MDCLXXXII.

(87) Oper. cit. cap. CLXXX. pag. 280.

(88) Apud RAJUM loc. §. superiori cit.

(89) Apud RAJUM loc. cit.

[90] Oper. omn. &c. Colleg. pract. special. de morb. viror. mulier., & insan. cap. X. pag. 592. Veneriis MDCXCV.

gnam cohibere incrementum Cel. VENETTE (91). Cicutam aqua florum sambuci incoctam cum camphora, ad lienis ex nimia venere inflammationem, *Henricus ab HEER* (92). Foliorum Cicutæ cataplasmata quatuor cum farinis resolventibus in testiculorum inflammatione, doloribusque podagricis, inschiadicisque *Stephanus Franciscus GEOFFROY* (93). In emolliendis tumoribus tam lienis, & hepatis, quam etiam partium externarum duris, nempe scirrhis, strumosis, grumosis folia, & radices potissimum quocumque modo applicata, laudatus Scriptor (94). Inter medicamenta resolventia externa in scirrhis emplastrum de Cicutæ *Laurentius HEISTERUS* (95). Cicutæ emplastrum specificum remedium in lienis etiam scirrhis obstructionibus, frigidorumque tumorum

(91) *La Generation de l'Homme, ou tableau de l'amour Conjugal* &c. tom. 1. part. 2. chap. 2. pag. 149. a Londres MDCCLI.

(92) *Observat. medic. oppido rarar.* &c. obs. VIII. pag. 85. Lugduni Batavorum 1645.

(93) *Mater. medic.* part. 2. de vegetabil. indig. art. *Cicuta*, pag. 176. cit. edit.

(94) Loc. cit.

(95) *Instit. chirurg.* part. 1. lib. IV. cap. XVI. de scirrho §. VII. tom. 1. pag. 251. Neapoli MDCCXLIX.

morum efficacax resolvens *Joannes Baptista CAPPELLO* (96).

XV. Ex iis , quæ hæctenus enarravimus , colligitur I. fuisse usque ad annum CHR. LVI. Medicos , aliosque Scriptores , qui non solum Cicutam , velut venenum , non habuerunt , sed etiam eam interne usurparunt , aut de ea , ut remedio , scripserunt (97) ; ac proinde haud recto stare talo , quod anno MDCCLXII. Cl. ceteroquin Autor scripsit. , *eius (Cicutæ) usum internum haud unquam Veteres admisisse* : II. ab anno CHR. LVI. invaluisse inter Scriptores opinionem de venenata Cicutæ vi , credulæ inde posteritati transmissam (98) : III. qui Cicutam ut venenum damnarunt , illos pariter interne adhibuisse (99) : IV. proximioribus temporibus extitisse Medicos , qui spreta Antiquorum auctoritate , multis in desperatissimis morbis illius internum usum prospero

(96) *Lessico Farmaceutico-Chimico* pag. 77. in *Napoli* MDCCLXI.

(97) Vide §. VIII. , e XI.

(98) Vide §. VIII.

(99) Vide §. XI.

spero cum successu laudarunt (100).
V. demum , magnopere Vetustos Medicos illius usum externum celebrasse , quamplurimosque inde Recentiores Celeberrimos (1).

XVI. ANNO MDCCXLVI. Vir summus *Gerardus* L. B. VAN SWIETEN, ut Medicum emendaret studium in Antiquissima *Viennensi* Academia, utque Juvenes in veris, salutaribusque Medicinæ principiis institueret, aperuit ipse veram Medicinæ faciendæ methodum; deinde medicas BOERHAAVII Institutiones publice tradens, & de Venenis agens, sapissime auditoribus inculcabat, ut sedulo venenatarum plantarum, aliorumque toxicorum naturam indagarent; proptereaquod sub venenorum nomine summa latere medicamenta suspicabatur; atque Auditoribus Opium, & Mercurium exempli loco proponebat a Veteribus, ut venena, damnata. *Cl. Antonius* STRÖCK ex *Vindobonensibus* GERARDI Auditoribus unus, nunc *Cæsareus* Archiater, *Aulicusque* *Consiliarius*, cui Præceptoris voces animo firmiter inhæserant, consideratis forsan omnibus,

C

(100) Vide §. XIII.

(1) Vide §. XI., & XIV.

bus , quæ de Cicuta ex Antiquis supra exposuimus , *susplicari capit , an non in succo Cicutæ vis solvens , penetrans , & discutiens lateret* (2).

XVII. CICUTA velle homines primum periclitari , non consilii erat , sed audaciæ , ac temeritatis . Quare expresso ex recenti Cicuta succo , eoque lentissimo igne terreo vase inspissato (sæpius lignea spatula agitando , ne combureretur) , parvo , & famelico Cani ter in die carnis frustum , & extracti hujus *scrupulum* unum dedit ; cumque nihil cani nocuisse dosim illam animadvertisset , postero die eandem extracti quantitatem non dissimili successu eidem cani præbuit . Quo experimento confirmatus animus periclitari & ipse voluit , fumendo & mane , & vesperi Cicutæ extracti granum unum , infusique *Theæ* vasculum unum desuper hauriendo . Cumque octo dierum spatio dosim eandem repetiisset , vixque , aut molesti nihil in se persensisset , hebdomada altera dosim auxit ad grana duo mane , totidemque vespere pari cum effectu ;

(2) *Libell. 1. de Cicuta cap. 1. pag. 13. Venetiis MDCCLX.*

fectu ; unde sine periculo statuit extracti-
vim in aliis tentari posse. Qua de re sub-
acto extracto pulvere foliorum Cicutæ
ipsius in pilularem massam , formavit inde
pilulas granorum duorum : quarum pilu-
larum sensim aucta in diem dosi , vidit
induratas, & scirrhosas glandulas resolvi ut
plurimum, interdum ad benignam suppu-
rationem redigi, & quod mirum, ubi alia
maxime valentiora remedia nihil antea
potuissent . Vidit cancos sanatos , acre
cancrosum emendatum , fugatum foeto-
rem non modo Infirmis , sed & omnibus
his in morbis infestum , sedatos dolores .
Vidit insanabilia ulcera curata , fistulas,
& sinus ad omnia rebelles remedia, clausa
omnia , & consolidata . Vidit aedematosos
tumores usu externo dissipatos , & visum
nondum inveterata cataracta obnubila-
tum, restitutum, & incipientium catara-
ctarum solutiones, aut saltem earum pro-
gressum impeditum .

XVIII. FAUSTA hæc sua Cicutæ extra-
cto experimenta, anno MDCCLX. vulga-
vit, quæ eodem ipso anno *Venetis*, deinde
Neapoli typis edita fuere, ubi morborum
species viginti exponebantur, quæ superius
dicta confirmarent. Difficile autem dictu

est , quam multas excitassent pericula hæc inter Medicos lites , ac jurgia ; quorum alii in verba Magistri jurantes , sibi haud unquam persuadere poterant , Cicutam citra noxam sumi posse , & can-
cros curare . Alii contra , quamvis Cicutæ venenatam vim flocci faciebant , judicium-
tamen suum cohibebant , donec in hoc caelo Cicutæ periclitaretur .

XIX. PRIMUM , quod sciam , experimentum factum *Neapoli* fuit in Uxore honestissimi *Bibliopolæ* cancro in sinistra mamma laborante , absque laudabili exitu ; eodemque tempore in Nobili Muliere , infelici pariter eventu : quapropter ipso in ortu suffocari videbatur remedium , ex quo desperatissimis his morbis curatio promittebatur ; quique ab initio Medici contra Cicutam steterant , summo opere laetabantur . *Nolæ* pariter in *Coenobio* , Religiosa erat Virgo foedissimo cancro in dextera mamma afflicta , cui ipse incassum Cicutæ extractum dedi a grano uno usque ad viginti mane , & vespere , & frustra linteola continuo apposui super affectam partem , Cicutæ decoctione madida . In aliis proximioribus locis eo tempore similem eventum habuit Cicutæ extra-

tractum, uti mihi amici Medici retulerunt, quibus novum ut experirentur remedium, commendaveram.

XX. NON unum autem erat Medicorum super commemoratis experimentis iudicium. Alii *Germanicam* Cicutam alterius ab *Italica* ingenii longe esse affirmabant; robustum alii *Germanorum* temperamentum proponebant; alii denique haerebant incerti. Ipse tamen ego, quamvis Cicutæ vim inefficacem pene, atque inertem quandoque expertus essem, nullo tamen pacto variis Medicorum iudiciis acquiescere poteram. Equidem posse & climatis varietate variari simplicia medicamenta, non diffitebar, eorumque vim & minui, & augeri posse; penitus vero omnem eorumdem, atque omnino perdi vim, ac naturam, nullo mihi pacto, ut crederem, imperare poteram. Quid possent temperamentorum discrimina, non ignorabam; inde autem id tantum fieri posse existimabam, ut si *Germanis* Cicutæ extracti unciae duæ darentur, una nostris esset satis: unde potius nimiam malorum vehementiam, quibus applicatum fuit remedium, incusabam; nam *nihil mutant regiones, & ex regionum varietate alii mor-*

bi in hac, alii in illa frequentiores sunt: ubi vero idem morbus occurrit, ubique gentium eadem adhibenda est medela, exemplo ducto ex HIPPOCRATE, aliisque Celserr. Medicis, ut monet Cl. TISSOT (3). Attamen periclitari amplius Cicuta in tot, tantisque Medicorum dissidiis, res erat periculi plena, quemadmodum ex adversariorum invidia expertus didici, qui, occasione arrepta, undique adversus me conclamarent. Quare, posthabito tantisper Cicutæ usu, ad Veterum juxta, ac Recentiorum Medicorum scripta investiganda animum retuli, quo facilius, ac tutius plantæ hujus ingenium pernoscerem.

XXI. PRODIIT interim secundus STÖRCKII de Cicuta liber, ex cujus lectione dubitare cæpi, an vera fuisset Cicuta, quam nostri usurparunt *Pharmacopœ* in extracto conficiendo? Deinde anno MDCCLXII, quo *Neapoli* editum fuit ejusdem Cl. Viri *Supplementum necessarium de Cicuta*, apertissime intellexi, errasse reapse in Cicutæ collectione, ejusque loco collegisse alios *Myrrhim*, quæ, uti fur-

rius

(3) *Dissert. de febr. bilios. art. canon. pract.*
pag. 175. *Lausannæ* MDCCLVIII.

perius diximus, Cicutæ est simillima (4), alios, licet veram Cicutam, reliquisse tamen, ut Auctor ipse notat (5), herbam collectam in uno cumulo plures per dies, tum expressisse *succi ingentem copiam*, eamque in vase cupreo igne satis forti concoquisse, atque hoc modo confecisse aridum, exsuccumque extractum, iners prorsus, atque inefficax.

XXII. DECEMBRI exeunte, cum ad manus meas STÖRCKII *Supplementum* pervenisset, herbam colligi, ejusque succum exprimi, atque extractum inde parari ad mentem Cl. Viri importunum, atque intempestivum erat: quapropter accuratum, peritumque rogavi *Pharmacopolam*, ut tempore a STÖRCKIO constituto, Cicutam colligeret, & conficeret inde extractum; utque erroris nulla esset suspicio, eidem dedi librum, in quo necessariæ cautelæ in conficiendo medicamento notabantur, & exacta aere excusa Cicutæ imago erat. Annuit libenter Vir optimus, immo, se mense *Junio* ann. MDCCLXIII. ad montem *Magellanum*, qui in *Samni*

C 4

ci-

(4) Vide §. III.

(5) *Supplem. necessar. de Cicut. pag. 6., & 7. Neapoli MDCCLXII.*

citerioris *Provincia* situs est, & indigenarum herbarum feracissimus, profecturum se promissit.

XXIII. *Cel.* TISSOT liber *Lugduni* excusus, eodem anno *Neapolim* appulit, cumque summo plausu ab omnibus exceptus esset, Anticicutarii, qui contra *Cicutam* acriter ad eam diem declamaverant, paulisper siluerunt; qui vero pro *Cicuta* steterant, animum recipiebant; præsertim dum legerent, quæ *Cl. TISSOT* (6) scripserat, & notarum remediis appositarum Auctor (7). Atque hinc quoque factum est, ut denuo de *Cicutæ* periclitanda vi Medici cogitarent; & infirmi, quibus ea prodesse credebatur, animos tollerent, atque in spem erigerentur, fore, ut sine ulla mali suspitione *Cicuta* sumi posset.

XXIV. AD conditam diem *Pharmacopola* fidem suam liberavit, & *Magellam* petiit: eidem ego *STÖRCKII* librum dedi, & alterum quoque adjeci magni *Herbarii Operis Cel. WEINMANNI* volumen, ubi num. 383. exactissima erat nostræ

(6) *Avis au Peuple sur sa santé* &c. tom. 2. chap. XXVI. §. 375. pag. 455. a. *Lyon* MDCCLXIII.

(7) Tom. cit. tabl. des reméd. n. 57. pag. 722., 723.

nostræ Cicutæ imago, veris effecta coloribus. Decimo quinto a discessu die *Pharmacopola* rediit, secumque attulit magnam extracti Cicutæ copiam, quod ad præscriptas in laudato STÖCKII libro leges paratum erat, *crassum scilicet, ex fusto viridescens, & ingratißimum habens foetorem, qualem mures domestici spargunt* (8). Qui scirrhis laborabant tumoribus, nolui eos primum Cicutæ periclitari; ne, si quid forte ex ea ii caperent molestiæ, rursus me exponerem Medicorum calumniis, præcipueque Magnatum, qui, uti sapienter monet *Doctissimus SWIETEN*, *nunquam creduntur perire morbis, sed tantum Medicorum erroribus* (9); qua de re variis aliis tenuioris fortis Infirmis Cicutæ propinavi extractum, morbosque a laudato sæpius Auctore descriptos feliciter depuli. Ex faustis autem Cicutæ effectis animum sumpsi; jam enim poteram *Anticicutarios* experimentis convincere de vitali Cicutæ ingenio; nactusque interim occasionem, scripsi hac super re ad toties laudatum *Cæsareorum Archiatrorum Comitem VAN*

(8) *Suppl. neces. de Cicut. pag. 7.*

[9] *Comm. in Hermannii BOERHAA. aphor. tom. V. comm. ad §. 1028. pag. 247. Neapoli MDCCLIX.*

VAN SWIETEN, qui die VI. Decembris prædicti anni MDCCLXIII. post plura ad alias Medicinæ partes pertinentia, de Cicuta respondit: *Vidisti procul dubio, quod Cl. STÖRCK me testem binorum casuum citaverit in opusculis, quæ legisti. Caudorem, modestiam, scientiam in egregio hoc Viro laudant omnes. His diebus adhuc vidi ulcus cancriforme totam faciem miserrime depascens, sanatum hoc remedio. Multi hinc inde obstrepunt, sed facile illis permittitur, ut aliis remediis sanent, si possint.*

XXV. DUM ita se haberet Cicutaria res, novus exoritur contra Cicutam clamor ab Anticicutariis, qui quamplurimis fuit epistolis, ex variis Italiæ. partibus allatis, quibus contra Cicutam, & ut inertem, & ut nocuam scribebatur, animos, vocesque attollebant; dumque fausto apud nos non unis in morbis Cicutæ eventu conabamur iis resistere, Infirmorumque perturbatos inanibus vocibus animos compescere, sensim annonæ gravitas invalescere cœpit, deinde funesta, & luctuosa illa febrium ex putridarum genere epidemia, quæ ad Octobris usque finem anni MDCCLXIV. nos undique cruciavit, unde severioribus de-

detenti curis , Cicutam negleximus (10).

XXVI. COMPOSITIS anno MDCCLXV. rebus , Cicutam denuo propinare coepimus , & in diem jam omnes fateri cogebantur , non in malis esse Cicutam , sed remedium . Multi erant Infirmi gravissimis pressi morbis , qui illam non sine fructu usurpabant ; ex quibus alii jam perfecte sanati erant , alii jam levare a morbis coeperant , quibus cruciabantur : cum ecce jussu Excellentissimi , Amplissimique *Hostilani Principis* , summi Equili Regio Præfecti , relinquere Patriam , & Infirmos coactus fui , & Excellentissimum Filium *Marcum Antonium* COLUMNAM *Alliani* Principem , *Equitemque Auratum* , Sapientem , & Eruditum Virum comitari in legatione , cui ab *Augustissimo* REGE destinabatur , ut me in via haberet Medicum . Post varios casus , postque varia discrimina , tandem *Enipontum* venimus , ubi in CÆSARIS Aula Cl. STÖRCK conveni : cujus candoris , modestiæ , sapientiæ , & humanitatis summae semper recordor , qua comiter me
ex-

(10) Ejus historiam dedi in epistolari dissertatione ad Virum Cel. VAN SWIETEN , anno MDCCLXV. edita.

excepit , summorumque honorum , quibus in Aula novus ego homo a STÖRCKIO sum dignatus ; cumque singulis fere diebus una essemus , multosque de Cicutā sermones haberemus , ex ipso didici verum , exactum , diversumque modum Cicutam diversis in morbis ministrandi ; utque mihi magis benevolentiam ostenderet suam , praeter alios libros , & illum mihi dono dedit , quo continuabantur experimenta , & observationes ad nova sua medicamenta , *Vindobonæ* eodem ipso anno a se editum , ubi post recentes multas Cicutā peractas curationes , referebantur observata pariter ab exteris Medicis.

XXVII. OCTOBRI ineunte in Patriam redux, Infirmos pene omnes Cicutā sanatos reperi ; atque ex Medicis , quibus illos commendavi , exactas curationum historias audiivi , unde summam cepi voluptatem ; cumque iisdem , quæ ex Cl. STÖRCKII ore acceperam , quæque in novo libro notabantur , communicavi , eorumque animos inflammavi , ut quacumque data occasione opportune Cicutam darent . Enimvero ab eo tempore Cicutæ usus magis in diem invaluit , vidi-
que

que ab ea mirabiles in desperatissimis morbis effectus, quorum præcipuas historias inferius recensebo; & non absque animi oblectamento vidi pariter inde, primæ apud nos notæ Medicos, summis laudibus Cicutam extollere, inter quos sufficiat nominare *Cel. Franciscum SERAUM*, Primarium Medicinæ in *Regia studiorum Academia* Professore, sat Medico orbi ob varios diversi argumenti, editos libros notum: *vix enim verosimile videbatur, plantam ubique terrarum fere, laete crescentem, in solam humani generis perniciem fuisse creatam*, ut apposite notat *Cel. SWIETEN* (11).

XXVIII. Antequam ad Morborum enarrationem transeam, quæret fortasse quispiam, quam nempe ratione Cicutæ in tēterrimos morbos agat? Varia varii hac super re in medium protulerunt. Fuerunt qui confisi Chymica *Cl. GEOFFROY* analysi, Cicutæ vim explicare conati sunt, vel per ammoniacalem salem, vel per oleum ex libris quinque foliorum, & caulium tenerorum

[11] *Comm. in BOER. aph. comm. ad §. 1237. tom. VII. pag. 227. Neapoli MDCCLXIV.*

rum a Cl. Viro elicatum (12); contra vero alii, quorum ad manus erant Practicæ Observationes Maximiliani LOCHER Viennensis Medici, Cicutæ vires pendere autumarunt a quantitate salis, qua abundat, qui *partim in sal alcali volatile, partim in fixum potentia ignis mutari potest* (13). Ego vero ut, quod sentio, libere dicam, licet in Cicuta vim summam resolventem, anodynam, antiputredinosam cognoscam; nullo tamen modo explicari credo illius memoratos effectus, quod ex ea ignis tormento eliciatur; & sicut alibi veritus non sum Peruviani corticis vim, qua hic febres debellat, Cl. Virorum ratiociniis innixus specificam vocare (14); ita & nunc audeo, affirmare Cicutam specifica virtute agere. Neque a me hoc eripi sinam, nisi ab aliis magis edoctus periculis, apertissime illius

[12] Oper. cit. tom. 2. de vegetabil. indigen. art. Cicut. pag. 175.

(13) *Observ. practic. &c. cap. IV. de casib. var., qui ulterior. Cicut. usum intern., & extern. in morb. curat. diffic. confirm. pag. 81. Viennæ Austriae ann. MDCCLXII.*

(14) Vide *comm. nostr. ad part. 1. ration. mended. Antonii DE HAËN cap. 2. pag. 137, Neapoli MDCCLXII.*

illius agendi modus mihi innotescat.

XXVIX. DUDUM est, quod *Cel.* Viri, &, quod rei caput est, qui plurimum chymicis operationibus addicti fuerunt, adnotarunt, corporum vera principia frustra ab analysi sperari. Tales fuerunt *Cel.* BOYLE, *Fridericus* SLARE, HENKEL, MARIOTTE, alique, quorum nomina extant apud *Cel.* HALLERUM (15). Revera, qui aliquantulum intento animo observat Chymicas plantarum analyses, aperte videt, ea ipsa, nec penitus diversa principia, a plane contrariis, diversisque stirpibus, diversosque in humanum corpus effectus producentibus, educi. Sic *Cel.*, neque unquam, nisi magna cum laude nominandus *Hermannus* BOERHAAVIUS ex sexaginta diversis plantis ad varium, diversumque medicum reservatis usum, volatile semper sal eduxit, (16): quapropter adnotavit, quod *Chemia etiam sollicitissima vix queat retinere dotes simplicium herbarum illibatas; semper quippe misceat prius separata in plantis; sem-*

(15) *Elem. physiol. &c.* tom. 2. lib. V. §. XXXIV. not. I. pag. 96. *Lausannæ* MDCCCLX.

(16) *Elem. chem.* tom. 2. *chym. oper.* par. 1. in *Vegetant.* pag. 11. ad 38. *Venetis* MDCCCLIX.

semper a prisca levissime, mutabili indole immutet, novisque non modo formis, sed dotibus imbuat. Longe igitur abest, ut Chymistæ operationibus suis separare queant, semper præstantes vires, quas natura proprias alicui plantæ impertiit: quum easdem suis artificiis sæpenumero, imo plerumque, valde immutent, quin & in contrarias prorsus convertant (17): & ante BOE-RHAAVIUM Leonardus A. CAPUA anno nonagesimo quarto superioris sæculi in Neapolitana Academia Medicinæ Professor recte scripserat, tantam esse vim, atque impetum ignis, ut sæpe naturam corporum ipse resolvat, immutet, uti in salibus videtur, qui ex dulcibus amari, ex volatilibus fixi deveniunt (18).

DE

(17) *Oper. cit. tam. cit. in Prolegom. pag. 6, 7.*

(18) *Del parere del Sig. Lionardo di CAPOA &c. tom. 2. ragionamento primo intorno all' incertezza de' medicamenti pag. 31. in Colonia MDCCXVI.*

D E

CICUTA

COMMENTARII

PARS ALTERA.

I. **Q**UÆ Medicam Cicutæ ad nostra usque tempora spectabant historiam, quantum quidem ex Veterum, Recentiorumque scriptis habui, qua licuit diligentia, hætenus sum persequutus. Venio nunc ad enarrandas Cicutæ beneficio peractas curationes, quæ superius a nobis constituta perbelle confirmant. Atque, ut recto cuncta procedant ordine, per singulas morborum classes referam observata, singulisque paragraphis includam morbos, quos Cicutæ beneficio depulso esse sum expertus.

II. INITIUM autem faciam a morbis pectoris, & primum, quidem ab eorum gravissimo, Phthisi pulmonali.

D

No-

NOBILIS *Monialis* phlegmatici temperamenti, per annum bis rheumaticis doloribus vexata, ineunte nempe *Vere*, atque *Autumno* exeunte. Per quinquennium experta hoc mali erat. Vigefimum quintum nunc agit annum, cum fuperiori anno, *Aprilis* initio, affuetis doloribus fubiicitur. Nihil notatu dignum in eorum decurfu. Poft diem quadragefimum, prævia horripilatione, ac levi febre, quod fupererat dolorum refolvitur. Vox aliquantisper fit rauca, cum aliqua in deglutitione difficultate. Aperto ore, palatinum velum phlogofi teneri, tonfillares glandulæ paululum tumefactæ obfervabantur, neutiquam vero dolebant. Sanguinis miffione, ac emollientibus gargarifmatis utitur. Evanefcit rubor, fed vox eadem. Paucos poft dies frequens tuffendi neceffitas, cum noctu lectum peteret. Noctes vigiles, ac tuffis ficca. Oritur febris, vefpere parvum habens incrementum. Non fudor, nec major urinæ quantitas, quamvis fecunda noctis hora aliquot *Stribii* granis cum pilulis de *Syrace* *SYLVII* ufa efferet, & per diem copiofis avenaceis cum melle potionibus. Duodecimo a febre die ponderis aliquid in dextera

dextera pectoris parte subesse retulit, ita ut super eam cubare potis non esset; invalescebat enim tussis. Febris novis his rebus non auctior. Ponderis in dies augebatur sensus, ac quæ tussis antea sicca, humida redditur. Die tertio, ac vigesimo noctu cum tussi, uncias circiter decem feri albi, fluidi, spumosi, ad instar conquassati ovi albuminis, expellit. Mane attento animo excretum exploratum, non præbuit incipientis degenerationis indicia. Igne appositum, evaporavit magna ex parte, & quod in vase restitit, veluti coactum jus, concrevit. Pectoris pondus non diminuitur; tussis vero per integrum diei spatium rarior, & sicca. Postero die ad libram unam, & semis crevit expectoratio, ejusdemque prorsus conditionis. Subsequens nox male habuit aegram: idem ponderis sensus; & respiratio, quæ prius inculcata videbatur, lædi coepit, cum ad dexteram cubabat partem. Pilulæ pectorales MORTONI puacis granis *Æthiopis mineralis* præscribebantur, ac larga plaga, ubi ponderis erat sensus, excitabatur, quæ per mensem aperta, etsi multo fluxisset, expectoratio tamen in diem aucta, diebus proximis trium li-

brarum pondo fuit ; semper tamen ejusdem , quemadmodum supra adnotavimus , conditionis . Per integrum morbi decursum , menstrua etsi decolorata , & pauca , fluxerunt statuto tempore . Cum usque adhuc exhibita non profecissent , stomachus debilitari coepit , ac vires fatiscere cum sensibili corporis macie , & ut verbo dicam , omnia nedum ad phthisim , sed ad mortem festinabant . Subiit animum , in hac pulmonali phthisi Cicutæ extractum experiri . Per diem bis , mane nempe , & vespere ad grana octo pro qualibet praescribitur vice , desuper hauriendo uncias sex dilutæ decoctionis hordei , ac veronica ; & vespere jusculum ex fruct. Cac. , semin. bomb. , ac radic. zedoar. paratum .

Prima morbi hebdomada idem rerum omnium status , habitus idem . Hebdomada altera rediit appetitus , tussis rarior noctu , eadem per diem . Die vigesimo , vires invalescere observabantur , at paulo minor expectoratio . Cum satius in dies convalesceret Ægra , Cicutæ extractum , quod antea horrebat , ad grana decem singulis vicibus , prompto , ac hilari animo est prosequuta . Cum ventum esset ad mensem ,

mi-

mitissima redditur febris , & vix ad libram, quatuor & viginti horarum spatio, expectoratio; utque haec decrefcebat, ita notatus ponderis minuebatur sensus. Sub finem secundi mensis evanuit morbus : Aegra surrexit : perque alios quadraginta dies prosequuta est remedium; neque autumnali tempore redierunt amplius rheumatici dolores.

MULIER anhorum, ut quidem videbatur, fere quinquaginta, cachectici temperamenti, asthma, hepatis, & lienis obstructionibus, tactu deprehensis, a quinque retro annis, quo menstrua cessarunt, afflicta. Hiemali, & verno tempore frequenter erysipellate in facie, capillata capitis parte, & tonsillarum inflammatione vexabatur. Sanguinis repetitæ missiones, minerales *Lucullanae* nostræ aquæ, dulcis aestivo tempore aquæ balnea, & *Autumno saponis Veneti* cum *Ammoniaco* usus vix, aut nihil levabant *Ægrotam*; tantumque leve solamen cauterium in sinistro brachio attulit. Tot malis cruciata, enixe me rogabat, ut vellem se a tantis reficere anxietatibus, quæ tristem, & invisam faciebant vitam. Consideratis attente omnibus, præscripsi *Cicutæ extractum*

cum *Ammoniaco*, quo remedio, adaucto Cicutæ extracto usque ad drachmam unam, & semis in diem, trium mensium spatio, hepar, & lien detumuerunt, rediit floridus in vultu color, appetitus; nec amplius erysipelata; & mitior spirandi difficultas. Inculcabam, ut vellet prosequi remedium; illa vero præter spem convaluisse videns, noluit: promisit tamen, ineunte *Autumno* pilulas resumere.

VIR annorum sex, & quadraginta, robustus antea, atque habitus potius plethorici, bibax, & sæpe ebrius, a mensibus quindecim phthisi pulmonali vexabatur lenta febre sociata, quem in morbum aspreto pectoris rheumate inciderat. Expectoratio copiosa erat, puriformis, foetida, interdumque sanguineis maculis interspersa. Post varia balsamica remedia, & longum lactis usum, *mineralis aethiopsis*, & *antibietici POTERII*, tandem Cicutæ sumpsit extractum a granis duobus usque ad triginta, extracto *corticis Peruviani* sociatum. Bimestri spatio expectoratio valde diminuta, non amplius foetida, non puriformis; sed mere lymphatica. Febris evanuit, deperditæ vires redierunt; letum proinde reliquit, quo a macore, sum-

summaque lassitudine tenebatur; & post
mensē, alium admirantibus omnibus, opti-
me convaluit.

PUER annos octo natus, morbillis, qui
tunc epidemici erant, corripitur. Evasit
a morbo; at saeva obstitit tussis, sum-
ma pectoris angustia. Nulla adhibita me-
dela fuit; atque hinc in diem summope-
re gravabatur pectus, lenta simul infur-
gente febre, vespertinis crescente horis,
cumque sensibili corporis macie. Expe-
ctoratio puriformis, foetida, & sat co-
piosa post mensē erat. Cum lactis usus,
& valentiora alia remedia nihil profecis-
sent, præscripsi Cicutæ extractum ad gra-
na quinque mane, totidemque vespere.
Illius continuato per dies quadraginta usu,
cessit febris, tussis, expectoratio; flori-
dusque rediit corporis habitus; dumque
hæc scribo, bene valet.

Ne in magnam molem excrescat li-
bellus, omitto salutiferos effectus, quos a
Cicutæ extracto vidi in contumacibus
rheumaticis tussibus. Nusquam sine fru-
ctu morbi initio Cicutam ad grana sex
adhibeo; ex cujus usu magis, quam per
alia remedia, concoquitur, facilis existit
expectoratio, cessat tussis, neque debili-

tatur stomachus ; uti plerumque fit in hoc morbo .

III. A pectoris morbis gradum facio ad affectiones abdominis, quæ in corporis regione ob innumera , quæ ibi extant viscera, ad diversos, præcipuosque in vita destinata usus, varii, gravissimique oriuntur morbi , humanam summo opere turbantes oeconomiam : in quos morbos admirabilis fuit Cicutæ vis ; quod ex sequentibus manifesto apparebit .

FORMOSA Virgo annos nata novem , & decem ex honestissimis Parentibus , ad septimum a decimo ætatis annum incolumem duxerat vitam . Incunte decimo octavo absque evidenti, quæ culpæ possit causa, de stomachi languore, inappetentia conqueri coepit ; demum acerrimo dolore post dimidiam a prandio horam , non sine esculentorum vomitu cessante, vexata est . Non acidus, nec amarus in eo sapor ; & quamvis prandii hora singulis fere permutaretur diebus , semper idem dolor , eademque vomitio . Novem per menses has est experta molestias : quo tempore immünia fuere menstrua , nec apparuit febris ; defœdatus ve-
ro

ro vultus, corpusque macescere videbatur. Varia, & peroptima præsidia ab iis, quibus commissa erat curatio, fuerunt exhibita; incassum omnia. Tandem febrile visa fuit, & cum vomitu aliquid nigricantis sanguinis interdum foras emitte-
tere. Eodem tempore ponderis quemdam sensum in profunda jecoris parte persentire dixit; quamvis nihil tactu Professores animadvertissent. Inito consilio, cum macies sensibilis, ac vultus summopere decoloratus esset, Ægram in vicinia nostræ ferri statuitur: quo peracto, meam expostulant Genitores, & eruditissimus Frater sententiam.

Quæ hætenus scripsi, a Medico, qui illius gesserat curam, accepi. Invisi Ægram sub exitu *Maj* superioris anni. Tempus ad deliberandum suscepi, nedum ut melius consultationi satisfacerem, quam ut transacta præsentibus conferrem. Quantum extundere licuit, tot malorum originem pendere ab uno, vel pluribus parvis glandularibus tumoribus, scirrhosam nactis naturam, aut simulantibus, in concava hepatis parte, aut in inferiori ventriculi orificio, intellexi. Ad tabificam vergebat febris. Vomitiones eadem, do-
lo-

lorificæ ; & conatibus ultimis amari aliquid , vel acidi inerat ; rejectusque cibus parum , aut nihil immutatus erat ; fortasse quia in notata jecoris parte efformati tumores pondere duodenum angebant ; aut similes in inferiori ventriculi orificio , cibi incipiente coctione , irritabantur , vomitumque excitabant . Menstrua adhuc fluebant , etsi parva , & decolorata ; sed alvus pertinaciter erat adstricta . Consideratis attente his omnibus , Parentibus dixi , non esse pro Ægrota auxilium ; sed si spei quid superesset , unice a Cicutæ extracto expectandum . Annuerunt Parentes optimi , & curam aggressus , præcepi , Ægram mane post decem extracti Cicutæ grana , uncias tres Vaccini lactis , cum libra semis aquæ , infusione *Peruviani* corticis paratæ , desuper haurire ; eandemque quantitatem vespere , & post tres horas a sumpto mane remedio , singulis bihoriis libram semis ejusdem aquæ . Frigidis omnes has potiones sumere jussi , atque a cibo abstineri . Prioribus tribus diebus iidem vomitus tam mane , quam vespere ; sed post duas , vel tres a sumpto lacte horas . Aquam vero haustam diei spatium non novie-

muerat. Quarta die vomitus matutinus filuit, stetit vespertinus; alvus vero creta-
ceum aliquid in globulos redactum, nec
sine dolore, deposuit. Die sexta ad Ægram
redii, vegetiorem inveni; & cum diebus
singulis ejusdem conditionis foeces, dolo-
ribus sociatas deponeret, suppositorium
ex fero, & aqua malvæ in usum voca-
tum est. Undecimo, quo hæc acta sunt,
cum rediissem die, dolores evanuisse comperi,
alvum lubricam, & bidui spatio servatum
a stomacho cibum, neque Ægram vo-
muisse. Spe, ac voluptate perfundebatur
illa, & vires resurgebant. Mane, & ve-
spere extractum Cicutæ ad grana vigin-
ti, lac ad uncias quinque augetur, re-
petitis in diem potibus descriptæ aquæ.

• Dimidiatus fere erat *Junius*, cum
Aegra, restitutis magna ex parte viri-
bus, extra domum deambulare coepit;
sed haud aberat febris, quamvis mi-
tissima: & cum, antequam ægrotaret,
equitationi indulgisset, equitare permissa
est. Sub ejusdem mensis exitum, præ-
vio irritò vomendi conatu, ac visce-
rum molestissimis doloribus, per alvum
deposuit durissimos foecum globulos, quam-
multis intermistos maculis, ad albuminis
ovi

ovi instar . Quinque dierum spatio bis ,
ter in die hoc incommodi pertulit . Cessit
tandem per alvum gluten . Dexteri hypocondrii pondus abiit , neque rediit deinceps ; tunc & febris extincta est : cumque enixe cibi aliquid optasset Ægra ,
duas panis uncias aqua decoctas circa
meridiem imperavi ; in jure inde carnis ;
ad herbarum tandem descendi victum .

Cum omnia in salutem cessissent , Ægra
alacri animo , & religiose curam profecit . Integro *Augusti* ; & *Septembris*
decurfu pluvialis aquæ balneationibus utitur . Redeunt statuta copia menstruationes , redit & pristina forma : cumque
jam bene valeret , *Octobri* mense honestissimis cum Genitoribus , ac eruditissimo Fratre in Patriam rediit , ubi adhuc
vivit , summisque laudibus Cicutam extollit .

MULIER ætatis anno tertio , ac vigesimo , plethorica temperie , ac ante triennium viro provectæ ætatis nupta ;
quindecim post dies gravis redditur , & statuto tempore sanam , vegetamque parit infantem : & quamvis nullus ei in partu labor ; retulit tamen Medicus , qui ei ministrabat , nusquam eidem pacatum pulsum ,

sum, sed celerem usque ad secundum fuisse diem (1), quo febre corripiebatur satis vehementi, violentissimis uteri fociata doloribus, & lochiorum cessatione. Varia adhibita fuere remedia, ut tantis occurreretur malis, quibus etsi uteri avertebatur inflammatio, & lochiorum revocabatur fluxus; fuit tamen hic serofus, & tenuis, & nonnisi usque ad vigesimum a partu fluxit diem. Corporis habitus defoedatus, & exsuccus remansit; morbosus ita uterus, ut non amplius menses fluere, & sæpius acuti dolores in eo orirentur, levi fociati febre per tres, vel quatuor dies. Solvebantur omnia urina admodum crassa, puriforme sedimentum deponente. Lactis usus, & chalybeata, rusticatio, & aquæ dulcis balnea opportuno tempore præscripta, incassum omnia. Incunte hyeme superioris anni, recruderunt uterini dolores, non levi, sed vehementi comitante febre, & vagis invadente horripilationibus, aqueisque

(1) Dum *Nole* assidua in morborum praxi olim versarer, constantissime vidi, si post unam, alteramve a partu horam, pulsus non esset sedata celeritas, sequi semper acutam febrem cum uteri inflammatione.

eisque urinis. Quid non tentarunt Medici? Sed frustra; neque enim ante quartum diem mitescere morbus visus est; nisi post copiosam notatæ urinæ evacuationem. At, sicut alibi facta tali urinæ excretionem, penitus solvebantur omnia; hic contra lenta remansit febris, vespertinis invalescens horis, a qua in diem corpus tabescebat. Sexdecim post dies recruduit febris, omnia supra adnotata symptomata secum ferens, quæ febris die secundo, facta denuo copiosa spuriformis urinæ evacuatione, redibat ad pristinum. Decimo quin etiam abhinc die sævire, & febris, & dolores visi sunt. Tertium post diem, quamvis eadem esset urina; mitescere tamen visa est febris; neque dolores vero, neque in urina pus cesserunt: quapropter continuo macescebat corpus, & ad extremum properare fatum non sine Parentum luctu videbatur Infirma. Dum hæc ita haberent, in consilium vocor cum *Doctiss.* simul amico *Dominico* COTUNNIO. Uteri itaque inspecta regione, & pensitatis recte omnibus, quæ morbum antecesserant, quæque observata erant symptomata, statuimus, illum a tuberculis nasci,

nasci, in uteri substantia genitis, qui continuo suppurabantur; & quia in uteri cavo puri non erat exitus, resorbebatur pus, & in renibus cum urina simul a fluidorum separabatur massa; atque ex ipsa puris reassorbtione, coinquinatis fluidis, tabida febris, & macor. Cum videremus autem omnia artis advocata fuisse auxilia, constituimus in desperato pene morbo Cicutam tentare, Coepimus itaque a granis duobus mane, totidemque vespere, quibus alia viginti grana extracti *corticis Peruviani* admiscuimus, adaugendo diebus singulis extracti Cicutæ granum unum. Bene adjuvit DEUS conatus nostros: jamque viginti post dies dolores evanuerunt, abiit febris, Fugata febre, *Peruviani corticis* abstulimus extractum, & ad drachmas duas Cicutam auximus. Ægra, quæ jam mori credebatur, tam præter spem omnem convalescere sentiens, quæ imperabantur, diligenter est prosequuta; unde & prior corporis rediit habitus, & catamenia primum absque ullo dolore post menses quinque ab usu Cicutæ fluxerunt, fluuntque sexto pariter, dum hæc scribo, mense. Et quamvis, optime valeret illa; noluit

noluit tamen pilulas deferere, tantumque ab ea assequi potuimus, ut in diem Cicutæ grana decem sumeret.

VIR aetate gravis, primus *Regiæ Ty-pographiæ* excusor, sæva corripitur hepatitide. Variis adhibitis præfidiis, evasit a morbo: remanserunt vero induratus hepar, tumefactus lien; unde in ambulando anxietas oriebatur summa; jamque edematoso tumore inflari coeperant pedes. Multa varii incassum ministrarunt Medici. Suasi Cicutæ extractum ad grana viginti singulis diebus, mane hauriendum; ex quo remedio quadraginta dierum spatio integre convaluit.

Cicutæ vires in alios abdominalium viscerum morbos prætereo. Cicutam admirabili fuisse præsidio vidi in hepatis obstructionibus, a fluidorum viscositate natis; ex quibus, propter bilis inertiam, prostratus erat appetitus, tarda, & tumens alvus. Mulieribus, quibus menses atrocissimis sociati erant doloribus, aut abnormes fluebant, Cicutæ dolores abstulit, mensesque in statutum ordinem redegit.

IV. AB internis abdominalium viscerum morbis ad eos, qui interiores
uri-

urinae vias impediunt, descendimus.

VIR aetatis ann. LII., pluribus ab annis falsedine in facie primum, in pectore deinde vexatus. Superiore anno, cum esset *Puteolis*, sensim disparuit falsedo; ex cujus retropulsione ardor magnus in mictione oriebatur. *Neapolim* regressus varia adhibuit remedia, inani omnia studio. Morbus in diem augebatur; quapropter varios consuluit Medicos, & Chirurgos, qui *psisanam* D. KALAK primum, deinde lacteam dietam, vesicatoria in cruribus, injectiones in virgamaquæ plantaginis, decoctionis inde hordei cum melle rosaceo, lapide medicamentoso CROLLII, & mercurio dulci, præscriperunt. Recuperandæ sanitatis ergo, quid non perpeti, atque experiri, voluit? Verum præter spem omnia. Eo sensim pervenit, ut præ assiduo, ac molesto mejendi stimulo insomnes duceret noctes, ululatibusque summis in mejendo vicinos terreret, qui hominem tot presum cruciatibus summopere miserabantur. Continuo lecto jacere cogebatur; nam aequæ, ac stando recrudescebant dolores. Huic semicupia incassum ministrabantur, ipsumque *opiatum laudanum* aqua

E

fo-

solutum, & in virgam injectum. A Nobilissimo rogatus Viro, cui serviebat, eum invisivi, atque ad conspectum hominis tam foede, atque undique afflicti, obstupui. Serio perquirendo, cognovi, generatum fuisse a retropulsa falsedine ulcus fistulosum in glande penis. Doloris situs, pus, quod urinam antecedeat, quodque glandis pressione emittebatur, id manifeste demonstrabant. Videns incassum valentiora omnia adhibita remedia, suasi copiosos aquæ potus, ut urina non tam acris esset, injectiones in virgam decoctionis Cicutæ, illiusque extractum sub pilulari forma ad grana viginti. Bidui spatio simplici hac curatione mitescantibus doloribus, mea, & omnium, qui Aegri statum noverant, admiratione (2), dormire is coepit, neque in mejendo amplius cruciatus adeo vehementes, neque tam gravis in mejendo stimulus. Die decimo lectum reliquit, & octo post dies alios domo exivit. Post mensem ad consuetos rediit labores, non intermisso remedii usu, quo penitus liberari a leviori illo, qui adhuc

(2) Cicutæ in hoc casu Opii superavit vim; Opii injectiones nihil effecerunt; Cicutæ vero decoctio dolores mitigavit.

adhuc in mejendo superest stimulo, spero.

IV. QUAE vidi a Cicutâ in internos corporis morbos effecta, summa fide retuli. Mira quoque apparuit Cicutae vis in morbos, qui externum corporis habitum afficiunt, quos hic eodem, quo supra, referam ordine.

ADOLESCENTULA annorum quindecim phlegmatici temperamenti, a nono aetatis anno in dextera colli parte strumofum gerebat tumorem, gallinae ovo similem. Quamvis anno decimo tertio menses primum fluxissent, indeque statutis redirent periodis, nulla tamen fuit in tumore mutatio. Post varia incassum advocata remedia, quinque annorum spatio, Cicutae extracti usu, quatuor post menses perfecte curata est (3).

JUVENIS tredecim natus annos, a nati-
vitate in collo strumosos tumores quin-
que gerebat; ex quibus tres unica mem-
brana inclusi videbantur, & in diem si-
mul cum Juvene adolescere. Varia va-
rii tum interna, tum externa plures per
E 2 annos

(13) Coeptum est ministrari extractum a granis quinque, & in diem aucta fuit dos usque ad drachmam unam.

annos adhibuere Medici , sed frustra remedia . Dedi ego Cicutæ extractum diebus singulis ad grana viginti , & super affectum locum Cicutæ emplastrum applicavi . Horum usu quatuor post menses integre convaluit .

PERILLUSTRIS Puella annorum novem, dum in utero gereretur , adeo vehementibus ejus Mater torquebatur convulsionibus , ut necesse fuerit , bis , vel ter singulis mensibus sanguinis celebrare missionem . Peperit statuto tempore Puellam , de qua hic sermo , debilem admodum , ac decoloratam . Lactationis tempore in melius ire visa est ; sed nunquam firma valetudo . Quamvis imbecillis , septimo fertur anno inter Moniales . Ineunte octavo , crusta lactea eam tenuit , parvis circa collum , & gulam sociata tumoribus . Superiori anno *Martio* ineunte foetidus maxime ab ea defluxit humor ; & qui parvi circa collum , ac gulam tumores erant , & numero , & mole augmentur . Primis *Junii* diebus vocatus , ac inito consilio cum optimo Professore , cui demandata erat cura ; retulit hic , tam *Caprillum* serum , quam *Viperinum* liquorem ab ortu lacteæ crustæ Puellæ absque ju-

juvamine exhibuisse . Febris lenta aderat , macor sensibilis : & qui prius collum , ac gulam foedabant tumores , recenter tam sub axillis , quam in utroque inguine nati videbantur . Qui sub axilla erant dextera , ad nucum juglandium magnitudinem accedebant , durique , parum dolentes , aque immobiles : minorique mole , nec dolentes , nec firmi qui sub altera , atque ita pariter inguinales . In hac glandulari tabe Cicutæ extractum propinare statuímus , tria nempe grana mane , totidemque vespere , desuper hauriendo *Vaccini* lactis uncias duas cum quinque levissimæ infusionis ex *sarsa parilla* , ac cortice ligni *Guajaci* paratæ .

A susceptæ curationis die , fluxus minor , nec tam foetidus a lactea crusta ; tumores vero omnes eodem in statu . Sub mensis exitum tam colli , ac gulæ tumores , quam axillarum , & inguinum dolere coeperunt . Contusa Cicutæ folia superimponuntur , ac ejus extractum ad grana quinque pro quolibet vice præscribitur . Mitissima febris , coloratio Puella . Mense altero exeunte , tam colli , quam inguinales tumores vix conspiciebantur . Perfecte exsiccata est cru-

sta . Qui sub axillis erant tumores, non minoris magnitudinis, sed mobiles videbantur . Eandem prosequuti ad diem LXXV. curationem, sensum, quod supererat tumorum, evanuit, nec amplius apparuit febris . Per integrum *Augusti* decursum ad grana duo extractum est persequuta Nobilis Puella . Perfecta curatio cum bona totius corporis nutritione, non sine nostra admiratione .

Ex hac observatione, gravioribusque aliis experimentis compertum habui, nullum in glandulares morbos, illosque, qui a liquidorum alborum vitio fiunt, neque validius, neque efficacius esse præsidium, quam in Cicutæ extracto .

V. IN foetidum quoque, atque an-
nosum ulcus miram sæpe experuit Ci-
cuta vim .

JUVENI annos nato duodeviginti, tri-
bus abhinc annis, ab acuta febre metha-
stasis fiebat in anteriori tibiæ parte, a
qua latum oriebatur, & profundum satis
ulcus. Quam multis (incaſsum omnia) uſus
erat ille tum interioribus remediis, tum
exterioribus: neque ipſe (quod mireris)
ſublimatus mercurius frumenti ſpiritu ſo-
lutus, ad normam *Cel. Doctiſſimique*
SWIE.

SWIETENII præscriptus, profecerat hilum. His rebus gestis, graviores denique consuluit Chirurgos, qui cariem, vel corruptionem tibiæ suspicantes, Juveni indixerunt ossis denudationem, deinde abrasionem. Terrefactus me adiit, cui suasi, ut antequam ad difficilem nimis, ac molestam deveniret operationem, experiri vellet interne Cicutæ extractum; extrinsecus vero ejusdem plantæ fots, quibus fausta in annoso ejus morbo sperabam. Lætus curam aggreditur, & adaucto intra dies quindecim Cicutæ extracto ad drachmam unam, repetitis ter in die laudatis fotibus, pus mitius reddi visum est, neque adeo, ut antea foetens. Continuato remediorum usu per bimestre curriculum, perfecte curatus est, non sine Chirurgorum admiratione, qui triennii spatio varia artis præsidia contra eum morbum frustra advocaverant.

VI. NEQUE sine piaculo præterire possum, quæ a Cicutâ vidi effecta in luem Veneream.

VIR gente *Romanus*, conditione *Cubicularius*, ætatis anno XXVIII, duobus abhinc annis *Vindobonæ* virulenta inficitur

tur gonorrhoea, & venereo sinistro in inguine bubone. Paucos post dies a contracta lue discedere coactus est *Vindobona*; neque ullum adhibuit in via contra Gallicum morbum e medicina praesidium. Cum *Neapolim* venisset, caustico bubonem aperiri curavit, variaque ab Agyrta sumpsit pro gonorrhoea remedia: Curatus credebatur, unde plures per menses crapulosam duxit vitam. Ineunte *Martio* superioris anni, planæ maculae, ephelidibus similes, per totum corporis habitum apparuerunt, ex quibus multæ visum summopere deturpabant; paucosque alios post dies rheumatismo corripitur, immanibus doloribus fociato, noctu maxime inivalescentibus. Quod exposita manifeste confirmatam demonstrarent luem, & quia varia, eaque efficaciora remedia nihil boni attulerant, & e contrario in dextera tibia legitima exostosis apparuerat, statuitur, nulla posthabita mora, mercurialibus unctionibus Infirmum esse subjiciendum. Debitis praesidiis ministratum fuit remedium, quò maculae corpus deturpantes, & exostosis evanuerunt; rheumatici vero dolores interdum silebant, noctu tamen recrudescebant, praeci-

cipueque in tibia , ubi fuerat exostosis , enormes erant . *Cel.* Medicus vesicatorium super affectam partem apponi curavit ; sed nulla inde in melius mutatio . Cum *Oeniponti* eum cognovissem , me adiit , & malorum audita serie , quæque usurpaverat remedia , suasi , ut noctu cubitum iturus , cataplasma ex recenti herba *Cicuta* super tibiam apponeret , & mane , & vesperi pilulas sumeret ex *Cicutæ* extracti granis viginti pro qualibet vice , desuper hauriendo *Caprilli* lactis uncias quinque , quia summopere emaciatus erat . Quinta nocte mitescere coeperunt dolores , vixque elapso ab hac cura mense , perfecte sanatus est .

VII. QUOD si in pectoris affectiones , si in abdominalium viscerum mala , atque incommoda admirabili fuit *Cicuta* , præsidio : si *Cicuta* ulcerum vim coercuit , eaque e vivo resolvit , atque implevit : si strumosos tumores depulit : si in Venerem quoque vires suas , atque imperium exercuit : si admirabilem denique suam ad mortalium salutem vim reipsa , atque eventu comprobavit ; dubitabimus , Medici , *Cicutæ* ingenium non venenatum , ac lethale , sed salutiferum ,

ferum, ac vitale profiteri, ejusque usum sine mali periculo, ac suspitione celebrare? Neque vero apud nos tantum Cicuta valuit, sed ejus quoque beneficia persensere gentes aliae sub alio degentes coelo. Admiranda vidit a Cicuta effecta *Mediolani* Clariss. *Antonius Maria RIPAMONTIUS* (4), in *Hispania* *Casimirus Gomez ORTEGA* (5), in *Britannia*, *Gallia*, *Helvetia*, *Saxonia* quamplures, iique non incelebres Medici (6) *Helmstadii* Clariss. *Georgius HUDEMANNIUS* (7), *Mergentheimii*, *Kreilsheimii*,
Fran-

(4) *Saggio degli effetti della Cicuta &c.* in *Milano* MDCCLXVI.

(5) *Commentar. de Cicuta, &c.* *Madridi* MDCCLXIII.

(6) Vide *Alethophilorum quorundam Viennensium elucidationem necessariam epistolae de Cicuta, quam Cel. HAENIUS scripsit ad Cel. TRALLES* pag. 95. ad 99. *Vindob.* 1766.

Quod in recenti *Dispensatorio Londinensi* scribatur, haud multum profuisse *Londini* Cicutam, nihil id incommodat; subditur enim ibidem; id fortasse evenisse ex non bene praeparata extracti confectioe. Vide *The New dispensatory &c. &c. The second edition. Pharmaceutical preparation extract of Hemlock* pag. 401. *London* MDCCLXV.

(7) *Dissertat. de Cicuta.* Vide *Alethoph. Vienn. elucid.* pag. 96.

Francofurti alii (8), *Moguntiae* Cel. STRACK (9), *Schönbergae* in *Moravia* Experientissimus *Joseph* POLZER (10), *Tergesti* Doctiss. RRAPF (11), atque alibi alii apud toties laudatum STÖRCKIUM. Quae cum ita sint, taedet me Cel. HAENII, qui voce primum *Vindobonae* ex cathedra, deinde scriptis (12) contra STÖRCKIUM, & Cicutam debaccatus est, HIPPOCRATICI immemor praecepti: *qui ea, quae ab aliis sunt inventa, inhonestorum verborum artificio contaminare contendit, is sane prudentiae existimationem tueri velle non videtur, sed potius naturam suam, aut ignorationem malitiose prodere* (13). Jure ergo ac merito Cel. L. B. VAN SWIETEN *Viennensis* *Medicae Facultatis Praefes* HAE-

(8) Apud STÖRCK libell., quo continuan. exp., & observ. circ. nov. sua medicam. cap. VIII, pag. 162. & 166.

(9) Lib. cit. cap. cit. pag. 172. ad 191.

(10) Lib. cit. cap. cit. pag. 191 ad 207.

(11) Lib. cit. cap. cit. pag. 231. ad 245.

(12) Vide *Antonii* DE HAEN *epist. de Cicuta* ad Cel. *Balthaf. Ludov. TRALLES. Vindobonae* MDCCLXV.


(13) HIPPOCRATES lib. de arte. Oper. tom. 1. pag. 2. num. 40., ad 50. cit. edit.

HAENIO silentium imperavit (14).

VIII. HAEC habui modo, quae de Cicuta scriberem, adversa valetudine, variisque, & permolestis distractus curis: quae si Doctis non displicere Viris intelligam, brevi in meliorem, si DEUS dederit, prodibunt formam. Ad meam denique quod attinet fidem: dum Scriptorum retuli sententias, eorum loca, atque editiones in ima supposui pagella, ut omnia cuique liceat cum nostra fide conferre. Quos autem Cicuta sanatos hisce oculis egomet vidi, eorum statum diebus singulis in adversaria referebam, unde haec sunt exscripta, quae haftenus a me sunt enarrata. Equidem potuisssem millenas Cicutæ beneficio ab aliis quoque Medicis heic *Neapoli*, tum & in aliis hujus Regni *Provinciis* peractas curationes percensere; verum ex longa doctus experientia, pro aliena fide spondere nolui.

F I N I S.

(14) Vide *Aletlophil. Viennens. elucidat.* pag. 2



423846

d. 1—

6.2

3a



